



BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
KANTONALNO TUŽILAŠTVO
UNSKO-SANSKOG KANTONA
BIHAĆ

Broj: A-791/18

Bihać, 29.08.2018. godine

**KONKURENTSKI ZAHTJEV ZA DOSTAVU PONUDA ZA NABAVKU ROBA–
PREVOZNA OPREMA
PUTNIČKO MOTORNO VOZILO ZA POTREBE KANTONALNOG TUŽILAŠTVA
UNSKO-SANSKOG KANTONA**

JRJN 34100000 – 8 – motorna vozila

Bihać, august 2018. godine

Broj: A-791/18

Bihać, 29.08.2018. godine

U skladu sa članom 88., a u vezi sa članom 53. Zakona o javnim nabavkama („Službeni glasnik BiH“, broj: 39/14)-(u daljem tekstu: Zakon) i članom 3. Uputstva za pripremu tenderske dokumentacije i ponuda („Službeni glasnik BiH“, broj: 90/14), utvrđuje se sljedeće:

PREDMET: Tenderska dokumentacija za Konkurentski zahtjev za dostavu ponuda za nabavku roba-prevozna oprema-putničko motorno vozilo za potrebe Kantonalnog tužilaštva Unsko-sanskog kantona

1. OPĆI PODACI O UGOVORNOM ORGANU

1.1. Kantonalno tužilaštvo Unsko-sanskog kantona Bihać, ulica Bosanska br. 2., 77000 Bihać

1.2. Jedinstveni identifikacioni broj: JIB – 4263389480008

1.3. Telefon/faks: 037/224-252/222-270, www.kt-bihac.pravosudje.ba

1.4. Kod ugovornog organa ne postoje privredni subjekti koji se u planiranom postupku javne nabavke mogu pojaviti kao učesnici, a koji su u situacijama (sukoba interesa) iz člana 52. stav 4. Zakona o javnim nabavkama.

2. PODACI O PREDMETU JAVNE NABAVKE

2.1. Predmet javne nabavke robe-prevozna oprema-putničko motorno vozilo za potrebe Kantonalnog tužilaštva Unsko-sanskog kantona, u skladu sa specifikacijom koja je data u prilogu ove TD.

Predmet nabavke je predviđen Planom nabavki za 2018. godinu Kantonalnog tužilaštva Unsko-sanskog kantona Bihać kao nabavka roba-prevozna oprema-putničko motorno vozilo za potrebe Kantonalnog tužilaštva Unsko-sanskog kantona koja se nalazi pod rednim brojem 9. i provodi se putem konkurentskog zahtijeva za dostavu ponuda.

JR/JN oznaka predmeta nabavke:

JR/JN – 34100000 – 8 – motorna vozila

2.2. Tehničke specifikacije:

- Vrsta vozila: putničko motorno vozilo kategorije M1
- Oblik karoserije: AA limuzina sedan
- Dužina vozila u mm: minimalno 4670 mm
- Vrsta motora: turbo dizelski motor
- Norma ispušnih plinova: minimalno EURO 6
- Radna zapremina: minimalno 1900 ccm
- Snaga motora kW: minimalno 110 kW
- Vrsta mjenjača: manuelni 6+R
- Pogon: Prednji
- Zapremina prtljažnika bez preklapanja zadnjih sjedišta: minimalno 590 l
- Broj sjedišta: 5
- Vrata: 5
- Boja: crna metalizirana
- Godina proizvodnje: minimalno 2018. godina (novo)

Minimalna tražena oprema vozila:

- Alu felge 6,5 x 16-4 komada
- Mali kožni paket (3 kraki upravljač obrubljen kožom, kožna ručica mjenjača i ručne kočnice)
- Maxi Dot
- Radio uređaj sa priključkom za SD karticom
- Priključak za USB stick
- Priprema za telefon
- 8 zvučnika
- Centralno daljinsko zaključavanje
- Manuelno podešavanje visine sjedišta za vozača
- Vanjski retrovizori elektropodesivi i grijani
- Električni podizači prozora naprijed
- ESC
- Zračni jastuk za vozača i suvozača naprijed, suvozačev s mogućnošću deaktivacije
- Bočni zračni jastuci naprijed
- Upozorenje za nevezan pojas vozača
- LED dnevna svjetla naprijed+LED svjetla nazad
- Servo upravljač

- Manuelni klima uređaj
- Filter za polen i prašinu
- Indikator pritiska u gumama
- Rezervni točak standardnih dimenzija
- Srednji naslon za ruke između prednjih sjedišta.

Garantni rok minimalno 4 (četiri) godine ili 120.000 (slovima: stotinudvadesethiljada) pređenih kilometara.

Ponudač je dužan ponuditi i isporučiti predmetnu robu na način da ista odgovara svih tehničkim uslovima i karakteristikama koji su navedeni u tenderskoj dokumentaciji.

Uslovi koji se odnose na garanti rok: minimalno 4 (četiri) godine ili 120.000 (slovima: stotinudvadesethiljada) pređenih kilometara.

2.3. Procijenjena vrijednost nabavke iznosi 34.188.00 KM (slovima: tridesetčetirihiljadestotinuosamdesetosam i 00/100 KM), bez PDV-a.

2.4. **Obrazac za cijenu ponude je sastavni dio ove tenderske dokumentacije u obliku Priloga TD br. 2.**

2.5. Nakon provedenog postupka zaključit će se ugovor po predmetu javne nabavke roba.

2.6. Mjesto isporuke roba je sjedište ugovornog organa.

2.7. Plaćanje će se izvršiti u roku od 60 (šezdeset) dana od dana potpisivanja Ugovora, putem JR Trezora USK na žiro-račun dobavljača.

2.8. Rok za isporuku robe: 7 (sedam) dana od dana stupanja ugovora na snagu.

Ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi sa ugovorom računaju se od dana stupanja ugovora na snagu, ukoliko posebnom odredbom nije ugovoren neki drugi datum kao početak toka roka.

3. USLOVI ZA KVALIFIKACIJU PONUĐAČA:

Da bi učestvovao u konkretnom postupku nabavke ponudač mora zadovoljiti minimalni uslov za kvalifikaciju utvrđenu srazmjerno predmetu ove nabavke i to:

- 1) da ispunjava uslove iz člana 45. stav 1. Zakona,
- 2) da je registrovan za obavljanje djelatnosti koja je predmet ove nabavke.

3.1. Lična sposobnost – član 45. stav 1. Zakona

Ugovorni organ će odbaciti ponudu ako:

- a) je kandidat/ponuđač u krivičnom postupku osuđen pravosnažnom presudom za krivična djela organiziranog kriminala, korupciju, prevaru ili pranje novca, u skladu s važećim propisima u BiH ili zemlji u kojoj je registrovan,
- b) je kandidat/ponuđač pod stečajem ili je predmet stečajnog postupka, osim u slučaju postojanja važeće odluke o potvrđi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu s važećim propisima u BiH ili zemlji u kojoj je registrovan,
- c) kandidat/ponuđač nije ispunio obaveze u vezi s plaćanjem penzionog i invalidskog osiguranja i zdravstvenog osiguranja u skladu sa važećim propisima u Bosni i Hercegovini ili propisima zemlje u kojoj je registriran,
- d) kandidat/ponuđač nije ispunio obaveze u vezi s plaćanjem direktnih i indirektnih poreza, u skladu s važećim propisima u Bosni i Hercegovini ili zemlji u kojoj je registriran.

Dokazi:

- a) Izjava ponuđača potpisanu od strane ovlaštene osobe i ovjerena kod nadležnog organa, kojom pod punom krivičnom i materijalnom odgovornošću izjavljuje da nema smetnji za učešće u proceduri javne nabavke i da ispunjava uslove iz člana 45. stav 1. Zakona o javnim nabavkama. U slučaju dodjele ugovora dostaviti dokumente iz člana 45. stav 2. u roku od 10 (deset) dana od dana donošenja odluke o izboru najpovoljnijeg ponuđača u skladu sa članom 72. stav 3. tačka a) Zakona.

Izjava ne smije biti starija od 15 (petnaest) dana od dana predaje ponude. Izjava se nalazi u prilogu TD pod brojem 3.

3.2. Sposobnost obavljanja profesionalne djelatnosti-član 46. Zakona:

Uslovi:

Da bi učestvovao u konkretnom postupku javne nabavke, ponuđač mora zadovoljavati sljedeći uslov sposobnosti obavljanja profesionalne djelatnosti i to:

- a) da je registrovan za obavljanje djelatnosti koja je predmet ove nabavke.

Dokaz:

- a) aktuelni izvod iz sudskog registra ili izjava/potvrda nadležnog organa iz koje se vidi da je ponuđač registrovan za obavljanje djelatnosti koja je predmet ove nabavke.

Navedeni dokazi sposobnosti obavljanja profesionalne djelatnosti iz ove tačke TD se dostavljaju kao ovjerena kopija originala, s tim da datum izdavanja originala ne može biti stariji od 3 (tri) mjeseca računajući od dana dostavljanja ponude (pod danom dostavljanja ponude smatra se dan/datum, koji je Ugovorni organ, odredio u ovoj TD kao dan/datum za prijem ponuda).

U slučaju da se u ponudi ne dostave navedeni dokazi sposobnosti obavljanja profesionalne djelatnosti iz ove tačke TD ili se ne dostave na način kako je naprijed traženo, ponudač će biti isključen iz daljeg učešća zbog neispunjavanja navedenih uslova za kvalifikaciju.

3.3. Posebno definisani uslovi za kvalifikaciju ukoliko ponudu dostavlja grupa ponuđača

U slučaju da ponudu dostavljaju grupe ponuđača:

- Dokumenti koji su navedeni po tačkom 3.1. (lična sposobnost) i 3.2. (sposobnost obavljanja profesionalne djelatnosti) ove tenderske dokumentacije moraju se posebno dostaviti/pripremiti za svakog člana ponuđača.
- Članovi grupe ponuđača mogu dostaviti jedan set/paket ostalih dokumenata, koji su traženi tenderskom dokumentacijom.

4. PODACI O PONUDI:

4.1. Sadržaj ponude – ponuda treba da sadrži:

- a) ime i sjedište ponuđača, a za grupu ponuđača podatke o svakom članu grupe ponuđača, kao i jasno određenje člana grupe koji je ovlašten predstavnik grupe ponuđača za učešće u postupku javne nabavke, za komunikaciju i za zaključivanje ponude,
- b) popunjeni obrazac za ponudu/obrazac za dostavljanje ponude,
- c) cijenu sa svim elementima koji je čine, kao i potrebnim objašnjenjima, na način kako je definirano u tenderskoj dokumentaciji,
- d) dokaze o ličnoj, poslovnoj, finansijskoj, tehničkoj i profesionalnoj sposobnosti, prema zahtjevima iz tenderske dokumentacije,
- e) izjavu o ispunjenosti uslova iz člana 45. stav 1. tačka a) do d) Zakona,
- f) rješenje/izvod iz sudskog registra kojom ponudač dokazuje sposobnost obavljanja profesionalne djelatnosti,
- g) popunjeni obrazac za cijenu ponude,
- h) prijedlog ugovora,
- i) ostalo traženo u tenderskoj dokumentaciji (katalozi ili fotografije automobila, izjave itd.),

- j) datum ponude,
- k) potpis podnosioca ponude ili ovlaštenog lica na osnovu punomoći koja je u tom slučaju mora biti priložena u originalu ili ovjerenoj kopiji,
- l) ponuda mora biti ovjerena pečatom podnosioca ponude, ako po zakonu države u kojoj je sjedište podnosioca ponude ima pečat ili dokaz da po zakonu države u kojoj je sjedište podnosioca ponude podnosilac ponude nema pečat,
- m) popis dokumentacije priložene uz ponudu.

4.2. Način izrade ponude:

Ponuda se izrađuje na način da čini cjelinu. Ako zbog obima ili drugih objektivnih okolnosti ponuda ne može biti izrađena na način da čini cjelinu, onda se izrađuje u dva ili više dijelova.

Ponuda se čvrsto uvezuje na način da se onemogući naknadno vađenje ili umetanje listova. Ponuda mora biti čvrsto uvezana i sve strane ponude numerirane (izuzev dokaza o garanciji za ozbiljnost ponude, te štampane literature, brošura, kataloga i sl.)

Pod čvrstim uvezom podrazumijeva se ponuda ukoričena u knjigu ili ponuda osigurana jamstvenikom.

Ako je ponuda izrađena u dva ili više dijelova, svaki dio se čvrsto uvezuje na način da se onemogući naknadno vađenje ili umetanje listova.

Dijelove ponude kao što su uzorci, katalogi, mediji za pohranjivanje podataka i sl. koji ne mogu biti uvezani ponudač obilježava nazivom i navodi u sadržaju ponude kao dio ponude.

Ako je ponuda izrađena od više dijelova ponudač mora u sadržaju ponude navesti od koliko se dijelova ponuda sastoji.

Stranice ponude se označavaju brojem na način da je vidljiv redni broj stranice. Kada je ponuda izrađena od više dijelova, stranice se označavaju na način da svaki sljedeći dio započinje rednim brojem kojim se nastavlja redni broj stranice kojim se završava prethodni dio. Garancija kao dio ponude se ne numeriše. Ako sadrži štampanu literaturu, brošure, kataloge koji imaju izvorno numerisane brojeve, onda se ti dijelovi ponude ne numerišu dodatno.

Izuzetno od prethodnog stava, ponuda neće biti odabačena ukoliko su listovi ponude numerisani na način da je obezbijeden kontinuitet numerisanja, te da će se smatrati manjim odstupanjem koje ne mijenja, niti se bitno udaljava od karakteristika, uslova i drugih zahtjeva utvrđenih u obavještenju o nabavi i ovoj tenderskoj dokumentaciji.

Ako ugovorni organ od ponudača zahtijeva i kopiju ponude, ona se dostavlja zajedno sa originalnom ponudom. U tom slučaju se jasno naznačava „original“ i „kopija“ ponude. U slučaju razlike između originala i kopije ponude, vjerodostojan je original ponude.

Ako ugovorni organ od ponuđača zahtijeva i dostavu ponude na mediju za pohranjivanje podataka, on se dostavlja zajedno s originalnom ponudom. U tom slučaju ponuda dostavljena na mediju za pohranjivanje podataka smatra se kopijom ponude.

Ponude se pišu neizbrisivom tintom.

4.3. Izmjene i/ili dopuna ponude i odustajanje od ponude:

Ponuđač može do isteka roka za dostavu ponuda dostaviti izmjenu i/ili dopunu ponude.

Izmjena i/ili dopuna ponude dostavlja se na isti način kao i osnovna ponuda s obaveznom naznakom da se radi o izmjeni i/ili dopuni ponude.

Ponuđač može do isteka roka za dostavu ponude pisanom izjavom odustati od svoje dostavljene ponude. Pisana izjava se dostavlja na isti način kao i ponuda s obaveznom naznakom da se radi o odustajanju od ponude. U tom slučaju neotvorena ponuda se vraća ponuđaču.

4.4. Način dostave ponude:

Ponuđač dostavlja ponudu u originalu i 1 (jednoj) kopiji na kojoj će jasno pisati: „ORIGINAL PONUDE“ i „KOPIJA PONUDE“. Original i kopija ponude se dostavljaju zajedno i trebaju biti zapečaćeni u neprovidnoj koverti.

Ponuda se dostavlja u zatvorenoj koverti na adresu ugovornog organa navedenu u tenderskoj dokumentaciji.

Na koverti ponude mora biti naznačeno:

- a) naziv i adresa ugovornog organa,
- b) naziv i adresa ponuđača u lijevom gornjem uglu koverta,
- c) evidencijski broj nabavke,
- d) naziv predmeta nabavke,
- e) naznaka „ne otvaraj“.

Ako ponuda sadrži uzorke oni se dostavljaju uz ponudu, ako ugovorni organ nije drugačije odredio u tenderskoj dokumentaciji.

Svaki ponuđač može podnijeti samo jednu ponudu.

Nije dopušteno dostavljanje alternativne ponude.

4.5. Preferencijalni tretman domaćeg

Ugovorni organ obavezno primjenjuje preferencijalni tretman domaćeg (preferencijalni tretman cijene) iz člana 67. Zakona i u skladu sa Odlukom o obaveznoj i primjeni preferencijalnog tretmana domaćeg („Službeni glasnik BiH“, broj: 103/14).

Cjenovni preferencijalni tretman će se primjenjivati isključivo u svrhu poređenja ponuda na način da će prilikom obračuna cijena ponuda, u svrhu poređenja ponuda, umanjiti cijene domaćih ponuda za preferencijalni faktor od 10%.

Primjena preferencijalnog faktora je isključena u odnosu na zemlje potpisnice Anexa 1. sporazuma o izmjeni i pristupanju Centralno evropskom sporazumu o slobodnoj trgovini. – Konsolidirana verzija centralno – evropskog sporazuma o slobodnoj trgovini (CEFTA 2006).

U smislu ove odredbe domaće ponude koje dostave fizička i pravna lica sa sjedištem u BiH, koja su registrovana u skladu sa zakonima Bosne i Hercegovine, u kojim su najmanje 50% ukupne vrijednosti od ponuđenih roba imaju porijeklo iz Bosne i Hercegovine.

Preferencijalni tretman domaćeg se dokazuje izjavom ponuđača, koja je prilog 7. ove tenderske dokumentacije.

4.6. Način određivanja cijene ponude:

Ponuđač izražava cijenu ponude u konvertibilnim markama (KM).

Cijena ponude piše se brojevima i slovima. U slučaju neslaganja iznosa upisanih brojevano i slovima, prednost se daje iznosu upisanom slovima.

U cijenu ponude bez poreza na dodatnu vrijednost moraju biti uračunati svi troškovi, s tim da se popusti posebno navode, u koloni posebno naznačenoj u obrascu za cijenu ponude.

Ukoliko ponuđač ne iskaže popust na način da je posebno iskazan u obrascu za cijenu smatrat će se da nije ponudio popust.

Cijena ponude je nepromjenjiva.

4.7. Kriterij za dodjelu ugovora utvrđen je kao „najniža cijena“ tehnički zadovoljavajuće ponude.

4.8. Jezik i pismo ponude

Ponuđač podnosi ponudu na jednom od jezika u službenoj upotrebi u Bosni i Hercegovini. Štampana literatura, brošure, katalozi ili slično prilažu se bez prijevoda.

4.9. Mjesto, datum i vrijeme za prijem ponuda

Ponude se trebaju dostaviti na sljedeću adresu: Komisija za javne nabavke Kantonalnog tužilaštva Unsko-sanskog kantona Bihać, ul. Bosanska br. 2, Bihać najkasnije do **12.09.2018. godine do 10:00 sati.**

Svaka blagovremeno dostavljena ponuda upisuje se u Zapisnik o zaprimanju ponude, te dobija redni broj prema redoslijedu zaprimanja ponuda.

Ako je dostavljena izmjena/dopuna ponude ona se upisuje u zapisnik o zaprimanju ponude, te dobija redni broj prema redoslijedu zaprimanja.

Ponuda se u tom slučaju smatra zaprimljenom u trenutku zaprimanja posljednje izmjene/dopune.

Zapisnik o zaprimanju ponude je sastavni dio zapisnika o javnom otvaranju ponuda.

Na omotnici ponude upisuje se datum i vrijeme zaprimanja, te redni broj ponude prema redoslijedu zaprimanja sa prijemnim pečatom zaprimanja.

Kada ponudač neposredno dostavlja ponudu, izmjenu ili dopunu ponude, odnosno pismenu izjavu o odustajanju od dostavljene ponude, ugovorni organ mu je obavezan o tome izdati potvrdu. Potvrda sadrži najmanje podatke o ugovornom organu, ponudaču, predmetu nabavke izmjene i dopune ponude, odnosno pismenu izjavu o odustajanju od dostavljene ponude, te datumu i vremenu zaprimanja.

Ponuda bez obzira na način dostave, mora biti zaprimljena na adresu ugovornog organa naznačenu u TD do datuma i vremena navedenog u obavještenju o nabavci i TD.

Ponuda dostavljena nakon isteka roka za dostavu ponude ne upisuje se u zapisnik o zaprimanju ponuda, ali se evidentira kod ugovornog organa kao zakašnjela ponuda, obilježava se kao zakašnjela, te neotvorena vraća pošiljaocu bez odgađanja.

Od trenutka javnog otvaranja ponuda nije dopušteno davanje informacija o zaprimljenim ponudama.

4.10. Mjesto, datum i vrijeme otvaranja ponuda

Ponude se otvaraju u zgradi Kantonalnog tužilaštva Unsko-sanskog kantona Bihać, ul. Bosanska br. 2, Bihać **12.09.2018. godine u 11:00 sati** u prisustvu ponudača koji žele prisustvovati otvaranju ponuda.

4.11. Period važenja ponude

Period važenja ponude je 90 (devedeset) dana, računajući od isteka roka za podnošenje ponuda.

Ukoliko ponudač ne navede rok važenja ponude, onda se smatra da je period važenja ponude onaj koji je naveden u TD.

5. NACRT UGOVORA

Nacrt ugovora je sastavi dio ove tenderske dokumentacije u obliku Priloga br. 6.

6. OSTALI PODACI

6.1. Odredbe koje se odnose na grupu ponuđača:

Grupa ponuđača je udruženje dva ili više privrednih subjekata, kao ponuđača, koji su blagovremeno dostavili zajedničku ponudu.

Više privrednih subjekata može se udružiti i dostaviti zajedničku ponudu, neovisno o utvrđenju njihovog međusobnog odnosa.

Ponuda grupe ponuđača mora sadržavati podatke o svakom članu grupe ponuđača: naziv i sjedište, adresa, IDB/JIB ili nacionalni identifikacijski broj prema zemlji sjedišta privrednog subjekta, broj računa, navod o tome da li je član grupe ponuđača u sistemu PDV-a, adresa za dostavu pošte, adresa e-pošte, kontakt osoba člana grupe ponuđača, broj telefona i broj telefaksa, uz obaveznu naznaku člana grupe ponuđača koji je ovlašten za komunikaciju s ugovornim organom.

Ponuda grupe ponuđača mora sadržavati podatke o tome koji član grupe ponuđača je nosilac ponude/predstavnik grupe ponuđača.

Za potrebe dostavljanja ponude ugovorni organ ne može od grupe ponuđača zahtijevati određeni pravni oblik njihovog zajedničkog ustrojstva i odnosa, ali može poslije odabira od grupe ponuđača zahtijevati određeni pravni oblik u mjeri u kojoj je to potrebno za zadovoljavajuće izvršenje ugovora.

Ukoliko ponuda grupe ponuđača bude izabrana kao najpovoljnija, podnosioci grupe ponuđača su, u roku od 5 (pet) dana od dana konačnosti odluke o izboru najpovoljnijeg ponuđača, dužni dostaviti pravni akt o zajedničkoj ponudi koji mora sadržavati naziv nosioca ponude, odgovornost pojedinačno svakog člana iz zajedničke ponude i udio svakog člana u zajedničkoj ponudi.

U zajedničkoj ponudi mora biti navedeno koji će dio ugovora o javnoj nabavci (predmet, količina, vrijednost i postotni dio) izvršavati pojedini član grupe ponuđača.

Ugovorni organ će neposredno plaćati svakom članu grupe ponuđača za onaj dio ugovora o javnoj nabavci koji je on izvršio, ako grupa ponuđača ne odredi drugačije.

Svaki član iz grupe ponuđača dužan je uz zajedničku ponudu dostaviti, a kako je traženo tenderskom dokumentacijom, dokaze/dokumente na temelju kojih se utvrđuje lična sposobnost (član 45. Zakona), te dokaze/dokumente vezane za sposobnost obavljanja profesionalne djelatnosti (član 46. Zakona), a svi zajedno dužni su dokazati (kumulativno) zajedničku kvalifikaciju ostalim navedenim dokazima kvalifikacije. Također, članovi grupe ponuđača mogu dostaviti jedan set/paket ostalih dokumenata, koji su traženi tenderskom dokumentacijom.

Ponuđač koji je samostalno podnio ponudu, ne može biti član grupe ponuđača u istom postupku javne nabavke. Član grupe ponuđača ne može biti član grupe ponuđača u istom postupku javne nabavke.

Grupa ponuđača solidarno odgovara za sve obaveze.

6.2. Podugovaranje

Ponuđaču nije dozvoljeno podugovaranje.

6.3. Rok za donošenje odluke o rezultatu postupka nabavke

U skladu sa članom 70. stav 1. Zakona ugovorni organ donosi odluku o izboru najpovoljnijeg ponuđača ili odluku o poništenju postupka u roku koji je određen u tenderskoj dokumentaciji kao rok važenja ponude, a najkasnije u roku od 7 (sedam) dana od dana isteka važenja ponude, odnosno u produženom periodu roka važenja ponuda, u skladu s članom 60. stav 2. Zakona.

Odluke iz ovoga člana dostavljaju se kandidatima ponuđačima u roku od 3 (tri) dana, a najkasnije u roku od 7 (sedam) dana od dana donošenja odluke i to: elektronskim sredstvom ili putem pošte ili neposredno.

6.4. Rok, način i uslovi plaćanja izabranom ponuđaču

Plaćanje ponuđaču izvršiti će se putem Jedinstvenog računa Trezora u roku od 60 (šezdeset) dana od dana prijema fakture. Faktura sa bankovnim podacima računa dobavljača se ispostavlja po zaključenju ugovora.

6.5. Sukob interesa/korupcija

U skladu sa članom 52. stav 2. Zakona svaki ponuđač je dužan u ponudi dostaviti posebnu pismenu izjavu da nije nudio mito niti učestvovao u bilo kakvim radnjama koje imaju za cilj korupciju u predmetnoj javnoj nabavci. Ukoliko ponuđač ne dostavi navedenu izjavu ili ne dostavi na način kako je traženo u TD ponuda će biti odbačena kao nedopuštena.

Obrazac izjave je dio ove TD u obliku priloga br. 4.

6.6. Izmjene i dopuna TD

Ugovorni organ može napraviti izmjenu i dopunu TD pod uslovom da se one dostave zainteresiranim ponuđačima istog dana, a najkasnije 5 (pet) dana prije isteka utvrđenog roka za prijem ponuda. U slučaju da takve izmjene podrazumijevaju suštinsku ponudu predmeta nabavke ugovorni organ produžit će rok za prijem ponuda zavisno od složenosti predmeta nabavke, koji ne može biti kraći od 7 (sedam) dana.

6.7. Preuzimanje tenderske dokumentacije

Za TD se ne plaća naknada.

TD se može preuzeti na jedan od sljedećih načina za koji se opredijeli ponuđač:

- a) na web stranici ugovornog organa: **www.kt-bihac.pravosudje.ba** uz pismeno obavještenje ugovornom organu da je preuzeta tenderska dokumentacija, te navođenje datuma i vremena preuzimanja TD,
- b) TD se može preuzeti i na portalu javnih nabavki, na što će se ukazati u obavještenju o nabavci.

Ponuđači koji preuzmu TD, a ne obavijeste pismeno ugovorni organ da su istu preuzeli, smatrat će se da nisu preuzeli TD i njihova ponuda će biti odbačena kao nedopuštena.

Ugovorni organ ne može učiniti dostupnom TD ni jednom ponuđaču prije objave obavještenja o nabavci.

Tenderska dokumentacija se može **preuzeti najkasnije do 05.09.2018. godine.**

Kontakt osoba ugovornog organa, za sve informacije vezano za TD, jeste Damir Smajić-sekretar Tužilaštva damir.smajic@pravosudje.ba.

6.8. Pojašnjenje TD

Zainteresirani ponuđači mogu u pisanoj formi od ugovornog organa tražiti pojašnjenje TD, a najkasnije 10 (deset) dana prije isteka roka za podnošenje ponude. Ugovorni organ je dužan odgovoriti u pisanoj formi, a odgovor s pojašnjenjem dostavlja svim ponuđačima koji su preuzeli TD u roku od 3 (tri) dana, a najkasnije 5 (pet) dana prije isteka roka za podnošenje ponuda. Ako odgovor ugovornog organa dovodi do izmjena TD i te izmjene od ponuđača zahtijevaju da izvrši znatne izmjene ili da prilagode njihove ponude, ugovorni organ je dužan produžiti rok za podnošenje ponuda najmanje za 7 (sedam) dana.

6.9. Provjera računske ispravnosti ponude i objašnjenje neprirodno niske cijene

Ugovorni organ je obavezan provjeriti računsku ispravnost ponude.

Kada izračuni vezani za pojedinačne stavke iz obrazca za cijenu ponude ili cijena ponude bez PDV-a u ispunjenom obrazcu za cijenu ponude u ponudi ne odgovaraju metodologiji definisanoj u vezi sa načinom određivanja cijena iz ove TD ugovorni organ ih ispravlja u skladu sa tako propisanom metodologijom.

Ugovorni organ ispravlja i druge računske greške u obrazcu za cijenu ponude i obrazcu za dostavljanje ponude.

Kada cijena ponude bez PDV-a izražena u obrazcu za cijenu ponude ne odgovara cijeni ponude bez PDV-a izraženoj u obrazcu za dostavljanje ponude važi cijena ponude bez PDV-a izražena u obrazcu za cijenu ponude.

U zahtjevu za prihvatanje ispravljanja računске greške, u smislu ove tačke TD koji ugovorni organ obavezno mora tražiti, označava se koji dio ponude je ispravljen kao i nova cijena ponude proizišla nakon ispravke. Jedinična cijena se ne smatra računskom greškom odnosno ne može se ispravljati.

Ugovorni organ obavezno od ponuđača traži objašnjenje cijene ponude koju smatra neprirodno niskom ako su ispunjeni sljedeću uslovi:

- a) cijena ponude je za više od 50% niža od prosječne cijene preostalih prihvatljivih ponuda ukoliko se primljene najmanje tri prihvatljive ponude ili
- b) cijena ponude je za više od 20% niža od cijene drugorangirane prihvatljive ponude.

Ugovorni organ može od ponuđača zatražiti pojašnjenje cijene ponude, ako smatra da je ona neprirodno niska iz drugih razloga navedenih u članu 66. Zakona.

Odgovor ponuđača na zahtjev za prihvatanje računске greške i objašnjenje cijene ponude sastavni su dio zapisnika o pregledu i ocjeni ponuda.

6.10. Povjerljivost dokumentacije privrednih subjekata

Ponuđači će u ponudi navesti koji podaci se moraju smatrati povjerljivim, pravni osnov po kojem se ti podaci smatraju povjerljivim i koliko dugo će biti povjerljivi.

Dobavljači moraju napraviti spisak informacija koje bi se trebale smatrati povjerljivim.

Obrazac spiska povjerljivih informacija je sastavni dio ove TD u formi Priloga br. 5.

Podaci koji se ni u kojem slučaju ne mogu smatrati povjerljivim su:

- a) ukupne i pojedinačne cijene iskazane u ponudi;
- b) predmet nabavke, odnosno ponuđena roba, usluga ili rad, od koje zavisi poređenje s tehničkom specifikacijom i ocjena da li je određeni ponuđač ponudio robu, usluge ili rad u skladu s tehničkom specifikacijom;
- c) dokazi za ličnu situaciju ponuđača.

Ako ponuđač kao povjerljive označi podatke koji, prema odredbama prethodnog stava ne mogu biti proglašeni povjerljivim podacima, oni se neće smatrati povjerljivim.

6.11. Potpisivanje ugovora

Ugovorni organ će obavijestiti ponuđača čija ponuda je izabrana o datumu i mjestu zaključenja ugovora.

Ugovorni organ ne može potpisati ugovor o javnoj nabavci u roku od 15 (petnaest) dana od dana kada su ponuđači obaviješteni o izboru najpovoljnijeg ponuđača.

6.12. Pouka o pravnom lijeku

Žalbu može podnijeti svaki privredni subjekt koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Ugovornog organa, a koje se u žalbi navodi kao povreda Zakona i podzakonskih akata od strane ugovornog organa u postupku javne nabavke.

Žalbe se izjavljuju ugovornom organu u pisanoj formi direktno ili preporučenom poštanskom pošiljkom, a u skladu sa članom 99. Zakona.

Ugovorni organ dužan je u roku od 5 (pet) dana od dana zaprimanja žalbe utvrditi blagovremenost, dopuštenost i da li je žalba izjavljena od ovlaštenog lica. Ako ugovorni organ utvrdi da je žalba neblagovremena, nedopuštena ili izjavljena od neovlaštenog lica, odbacit će je zaključkom. Protiv ovog zaključka žalitelj ima mogućnost podnošenja žalbe Uredu za razmatranje žalbe (u daljem tekstu: URŽ) u roku od 10 (deset) dana od dana prijema zaključka.

Ako je žalba blagovremena, dopuštena i izjavljena od ovlaštenog lica, ugovorni organ, razmatrajući žalbu, može utvrditi da je ona djelimično ili u cijelosti osnovana i svojim rješenjem ispraviti radnju, preduzeti činjenje ili može postojeću odluku ili rješenje staviti van snage i zamijeniti je drugom odlukom ili rješenjem, ili poništiti postupak javne nabavke, te o tome obavijestiti učesnika u postupku javne nabavke na način određen Zakonom, u roku od 5 (pet) dana od dana prijema žalbe. Protiv ovog rješenja ugovornog organa, može se izjaviti žalba URŽ-u, putem ugovornog organa, u roku od 5 (pet) dana od dana prijema rješenja.

Ako ugovorni organ postupajući po žalbi utvrdi da je žalba blagovremena, dopuštena i izjavljena od ovlaštenog lica, ali je neosnovana, dužan je u roku od 5 (pet) dana od datuma zaprimanja žalbu proslijediti URŽ-u, sa izjašnjenjem na navode žalbe, kao i kompletnom dokumentacijom u vezi s postupkom protiv kojeg je izjavljena žalba.

Rokovi izjavljivanja žalbe ugovornom organu su definisani uz članu 101. Zakona.

Žalitelj je obavezan platiti naknadu za pokretanje žalbenog postupka u skladu sa članom 108. Zakona.

GLAVNA KANTONALNA TUŽITELJICA

Fadila Amidžić

Sljedeći prilozi su sastavni dio tenderske dokumentacije:

Prilog 1: Obrazac za dostavljanje ponude

Prilog 2: Obrazac za cijenu ponude

Prilog 3: Izjava o ličnoj sposobnosti

Prilog 4: Izjava da nema smetnji iz člana 52. Zakona

Prilog 5: Spisak povjerljivih informacija

Prilog 6: Nacrt Ugovora

Prilog 7: Izjava o preferencijalnom tretmanu domaćeg

OBRAZAC ZA DOSTAVLJANJE PONUDE

Broj nabavke: _____

Broj obavještenja sa Portala JN -----/18

UGOVORNI ORGAN: Kantonalno tužilaštvo Unsko-sanskog kantona Bihać, Bosanska br. 2,
77000 Bihać

PONUĐAČ: _____

ID broj ponuđača: _____

Adresa ponuđača: _____

Ukoliko ponudu dostavlja grupa ponuđača, upisuju se isti podaci za sve članove grupe ponuđača, kao i kada ponudu dostavlja samo jedan ponuđač, a pored naziva ponuđača koji je predstavnik grupe ponuđača upisuje se i podatak da je to predstavnik grupe ponuđača. Podugovarač se ne smatra članom grupe ponuđača u smislu postupka javne nabavke.

KONTAKT OSOBA (za konkretnu ponudu)

Ime i prezime

Adresa

Telefon

Faks

E-mail

IZJAVA PONUĐAČA*

Ukoliko ponudu dostavlja grupa ponuđača, onda Izjavu ponuđača popunjava predstavnik grupe ponuđača.

U postupku javne nabavke, koju ste pokrenuli i koja je objavljena na Portalu javnih nabavki, Broj obavještenja o nabavci....., dana.....dostavljamo ponudu i izjavljujemo sljedeće:

I. U skladu sa sadržajem i zahtjevima tenderske dokumentacije broj: _____ovom izjavom prihvatamo njene odredbe u cijelosti, bez ikakvih rezervi ili ograničenja.

2. Ovom ponudom odgovaramo zahtjevima iz tenderske dokumentacije za isporuku robe u skladu sa uslovima utvrđenim tenderskom dokumentacijom, kriterijima i utvrđenim rokovima, bez ikakvih rezervi ili ograničenja.

3. Cijena naše ponude (bez PDV-a) je _____ KM.

Popust koji dajemo na cijenu je _____ KM.

Cijena naše ponude, sa uključenim popustom je _____ KM.

PDV na cijenu ponude (sa uračunatim popustom) _____ KM.

Ukupna ponuđena cijena (sa uračunatim popustom i PDV-om) _____ KM.

U prilogu se nalazi i obrazac za cijenu naše ponude, koji je popunjen u skladu sa zahtjevima iz tenderske dokumentacije. U slučaju razlika u cijenama iz ove Izjave i Obrasca za cijenu ponude, relevantna je cijena iz obrasca za cijenu ponude.

4. a) Preduzeće koje dostavlja ovu ponudu je domaće sa sjedištem u BiH i najmanje 50% ponuđenih roba za izvršenje ovog ugovora je iz BiH 50%, ili radne snage koja će raditi na realizaciji ovog ugovora o nabavci usluga/radova su rezidenti Bosne i Hercegovine, a dokazi da naša ponuda ispunjava uslove za preferencijalni tretman domaćeg, koji su traženi tenderskom dokumentacijom su u sastavu ponude.

b) Naša ponuda ne uživa preferencijalni tretman domaćeg.

5. Ova ponuda važi (broj dana ili mjeseci se upisuju i brojčano i slovima, a u slučaju da se razlikuju, validan je rok važenja ponude upisan slovima) računajući od isteka roka za prijem ponuda tj. do (...../...../.....) (datum).

6. Garancija za ponudu je dostavljena u skladu sa zahtjevima iz tenderske dokumentacije.

7. Ako naša ponuda bude najuspješnija u ovom postupku javne nabavke, obavezujemo se:

a) dostaviti dokaze o kvalificiranosti, u pogledu lične sposobnosti, registracije, ekonomske i finansijske sposobnosti, te tehničke i profesionalne sposobnosti koji su traženi tenderskom dokumentacijom i u roku koji je utvrđen, a što potvrđujemo izjavama u ovoj ponudi;

b) dostaviti garanciju za dobro izvršenje ugovora, u skladu sa zahtjevima iz tenderske dokumentacije.

Ime i prezime osobe koja je ovlaštena da predstavlja ponuđača: [.....]

Potpis ovlaštene osobe: [.....]

Mjesto i datum: [.....]

Pečat preduzeća:

Uz ponudu je dostavljena sljedeća dokumentacija:

[Popis dostavljenih dokumenata, izjava i obrazaca sa nazivima istih]

OBRAZAC ZA CIJENU PONUDE-ROBE

Strana ____ od ____

Naziv dobavljača _____

Ponuda br. _____

R. broj	Opis roba	Količina	Jedinična cijena po stavki bez PDV-a	Ukupna cijena po stavki bez PDV-a
Ukupna cijena bez PDV-a				
Popust				
Ukupna cijena sa popustom bez PDV-a				
Ukupna cijena sa popustom i PDV-om				

Potpis dobavljača _____

Napomena:

1. Cijene moraju biti izražene u KM. Za svaku stavku u ponudi mora se navesti cijena.
2. Cijena ponude se iskazuje bez PDV-a i sadrži sve naknade koji ugovorni organ treba platiti dobavljaču. Ugovorni organ ne smije imati nikakve dodatne troškove osim onih koji su navedeni u ovom obrascu.
3. U slučaju razlika između jediničnih cijena i ukupnog iznosa, ispravka će se izvršiti u skladu sa jediničnim cijenama.
4. Jedinična cijena stavke se ne smatra računskom greškom, odnosno ne može se ispravljati.
5. Ovaj obrazac za cijenu ponude je jedna od mogućih opcija.

Izjava o ispunjenosti uslova iz člana 45. stav 1. Zakona o javnim nabavkama („Službeni glasnik BiH“, broj: 39/14)

Ja, _____ (ime i prezime), sa ličnom kartom broj : _____ izdatom od _____, u svojstvu predstavnika privrednog društva ili obrta ili srodne _____ djelatnosti

(Navesti položaj, naziv privrednog društva ili obrta ili srodne djelatnosti), ID broj : _____, čije sjedište se nalazi u _____ (Grad/općina), na adresi _____ (Ulica i broj), kao kandidat/ponuđač u konkurentskom zahtjevu za dostavu ponuda : Nabavka putničkog automobila koje provodi Kantonalno tužilaštvo USK Bihać, za koje je objavljeno obavještenje o javnoj nabavci broj : _____ u „Službenom glasniku BiH“ broj : _____, a u skladu sa članom 45. stav (1).i (4).. pod punom materijalnom i krivičnom odgovornošću

I Z J A V L J U J E M

Ponuđač _____ u navedenom postupku javne nabavke kojeg predstavljam nije :

- a) u krivičnom postupku osuđen pravosnažnom presudom za krivična djela organiziranog kriminala, korupciju, prevaru ili pranje novca, u skladu s važećim propisima u BiH ili zemlji u kojoj je registrovan,
- b) pod stečajem ili je predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu s važećim propisima u BiH ili zemlji u kojoj je registrovan,
- c) propustio ispuniti obaveze u vezi sa plaćanjem penzionog, invalidskog i zdravstvenog osiguranja u skladu sa važećim propisima BiH ili zemlje registracije,
- d) propustio ispuniti obaveze u vezi sa plaćanjem direktnih i indirektnih poreza u skladu sa važećim propisima u BiH ili zemlji registracije.

U navedenom smislu sam upoznat sa obavezom ponuđača da u slučaju dodjele ugovora dostavi dokumente iz člana 45. stav 1. tačka Zakona u roku od 10 (deset) dana od dana donošenja odluke o izboru najpovoljnijeg ponuđača u skladu sa članom 72. stav 3. tačka a) Zakona.

Nadalje, izjavljujem da sam svjestan da krivotvorenje službene isprave, odnosno upotreba neistinite službene ili poslovne isprave, knjige ili spisa u službi ili poslovanju kao da su istiniti predstavlja krivično djelo propisano krivičnim zakonodavstvom BiH, te da davanje netačnih podataka u dokumentima kojima se dokazuje lična sposobnost iz člana 45. Zakona o

javnim nabavkama predstavlja prekršaj za koji su predviđene novčane kazne od 1.000,00 KM do 10.000,00 KM za ponuđača (pravno lice) i od 200,00 KM do 2.000,00 KM za odgovorno lice ponuđača.

Također izjavljujem da sam svjestan da ugovorni organ koji provodi postupak javne nabavke u skladu sa članom 45. stav 6. Zakona o javnim nabavkama BiH u slučaju sumnje u tačnost podataka datih putem ove izjave zadržava pravo provjere tačnosti iznesenih informacija kod nadležnih tijela.

Izjavu dao

(Ime i prezime)

Mjesto i datum davanja izjave

Potpis i pečat

**PISANA IZJAVA
IZ ČLANA 52. ZAKONA O JAVNIM NABAVKAMA**

Ja, _____ (ime i prezime), sa ličnom kartom broj : _____
izdatom od _____, u svojstvu predstavnika privrednog društva ili obrta ili
srodne _____ djelatnosti

(Navesti položaj, naziv privrednog društva ili obrta ili srodne djelatnosti), ID broj :
_____, čije sjedište se nalazi u _____ (Grad/općina), na
adresi _____ (Ulica i broj), kao kandidat/ponuđač u postupku javne nabavke:
konkurentskom zahtjevu za dostavu ponuda: Nabavka putničkog automobila koje provodi
Kantonavno tužilaštvo USK Bihać, za koje je objavljeno obavještenje o javnoj nabavci broj :
_____ u „Službenom glasniku BiH“ broj : _____, a u
skladu sa članom 52. stav 2. Zakona o javnim nabavkama pod punom materijalnom i krivičnom
odgovornošću

IZJAVLJUJEM

1. Nisam ponudio mito ni jednom licu uključenom u proces javne nabavke, u bilo kojoj fazi procesa javne nabavke.
2. Nisam dao, niti obećao dar, ili neku drugu povlasticu službenom ili odgovornom licu u ugovornom organu, uključujući i strano službeno lice ili međunarodnog službenika, u cilju obavljanja u okviru službene ovlasti, radnje koje ne bi trebalo da izvrši, ili se suzdržava od vršenja djela koje treba izvršiti on, ili neko ko posreduje pri takvom podmićivanju službenog ili odgovornog lica.
3. Nisam dao ili obećao dar ili neku drugu povlasticu službenom ili odgovornom licu u ugovornom organu uključujući i strano službeno lice ili međunarodnog službenika, u cilju da obavi u okviru svoje službene ovlasti, radnje koje bi trebalo da obavlja, ili se suzdržava od obavljanja radnji, koje ne treba izvršiti.
4. Nisam bio uključen u bilo kakve aktivnosti koje za cilj imaju korupciju u javnim nabavkama.
5. Nisam sudjelovao u bilo kakvoj radnji koja je za cilj imala korupciju u toku postupka javne nabavke.

Davanjem ove izjave, svjestan sam kaznene odgovornosti predviđene za kaznena djela primanja i davanja mita i kaznena djela protiv službene i druge odgovornosti i dužnosti utvrđene u Kaznenim zakonima Bosne i Hercegovine.

Izjavu dao

(Ime i prezime)

Mjesto i datum davanja izjave

Potpis i pečat

POVJERLJIVE INFORMACIJE

Informacija koja je povjerljiva	Brojevi stranica s tim informacijama u ponudi	Razlozi za povjerljivost tih informacija	Vremenski period u kojem će te informacije biti povjerljive

Napomena:

Podaci koji se ni u kojem slučaju ne mogu smatrati povjerljivim su (član 11. Zakona o javnim nabavkama):

- a) ukupne i pojedinačne cijene iskazane u ponudi;
- b) predmet nabave, odnosno ponuđena roba, od koje zavisi poređenje sa tehničkom specifikacijom i ocjena da li je ponuditelj ponudio robu sukladno sa tehničkom specifikacijom;
- c) dokazi o osobnoj situaciji ponuditelja (smislu odredbi čl. 45.51.Zakona).

Potpis ovlaštene osobe
ponudača i pečat

**NACRT UGOVORA
O KUPOPRODAJI PUTNIČKOG VOZILA**

Zaključen dana _____ godine u Bihaću, između:

1. _____, sa sjedištem u ulici: _____ koga zastupa
direktor _____ ID broj: _____, PDV broj:
_____, žiro račun broj: _____ banka _____ Kontakt telefon
_____ (u daljem tekstu: Prodavac)

i

2. Kantonalnog tužilaštva Unsko-sanskog kantona Bihać, sa sjedištem u ulici Bosanska 2,
Bihać. ID broj: 4200539410001, koje zastupa i predstavlja glavna kantonalna tužiteljica Fadila
Amidžić (u daljem tekstu: Kupac)

PREDMET UGOVORA

Član 1.

Predmet ovog ugovora je kupoprodaja 1 (jednog) putničkog vozila, marke _____,
model vozila: _____, a sve prema ponudi broj _____ od _____ godine.

CIJENA

Član 2.

Prodavac prodaje, a Kupac kupuje putnički automobil iz člana 1. ovog Ugovora po
cijeni od _____ KM (slovima: _____).

NAČIN PLAĆANJA

Član 3.

Ugovorne strane su saglasne da će Kupac izvršiti uplatu utvrđene kupoprodajne cijene
iz prethodnog člana ovog Ugovora na žiro račun prodavca na način da će ukupni iznos od
_____ KM platiti najkasnije u roku od 60 (šezdeset) dana od dana zaključenja ovog
ugovora. _____.

ROK I MJESTO ISPORUKE

Član 4.

Rok isporuke za putničko motorno vozilo iz člana 1. ovog Ugovora je najkasnije 7 (sedam) dana po zaključenju ugovora.

Član 5.

Garancija proizvođača na isporučeno putničko vozilo je najmanje 4 (četiri) godine ili 120.000 (slovima: stotinudvadesethiljada) pređenih kilometara, uz pridržavanje uputa o korištenju, a na osnovu servisne knjižice koja se uručuje uz putničko vozilo.

Ova obaveza Prodavca se ne odnosi na kvarove koji nastupaju kao posljedica nestručnog rukovanja koja nije u skladu sa Uputstvom o rukovanju vozilom.

Garancija proizvođača na servisnu podršku i podršku rezervnim dijelovima je 10 (deset) godina računajući od prestanka proizvodnje modela.

ZAVRŠNE ODREDBE

Član 6.

Ugovorne strane su saglasne da će sve eventualne sporove po odredbama ovog Ugovora rješavati sporazumno, u protivnom spor će se rješavati pred nadležnim sudom u Bihaću.

Član 7.

Ugovor stupa na snagu danom potpisa i ovjere ugovora od strane ugovornih strana.

Član 8.

Ugovor je sačinjen u 4 (četiri) istovjetna primjerka od koji svaka ugovorna strana zadržava po 2 (dva) primjerka.

Dana, _____

Broj: _____

ZA PRODAVCA
DIREKTOR

Dana, _____

Broj: _____

ZA KUPCA
GLAVNA KANTONALNA TUŽITELJICA
Fadila Amidžić

**PISANA IZJAVA
O PREFERENCIJALNOM TRETMANU DOMAĆEG**

Ja, _____ (ime i prezime), sa ličnom kartom broj: _____ izdatom od _____, u svojstvu predstavnika privrednog društva ili obrta ili srodne djelatnosti _____ (Navesti položaj, naziv privrednog društva ili obrta ili srodne djelatnosti), ID broj: _____, čije sjedište se nalazi u _____ (Grad/općina), na adresi _____ (Ulica i broj), kao kandidat/ponuđač u postupku javne nabavke konkurentskom zahtjevu za dostavu ponuda: Nabavka putničkog automobila koje provodi Kantonalno tužilaštvo USK Bihać, za koje je objavljeno obavještenje o javnoj nabavci (ako je objavljeno obavještenje) broj: _____ u „Službenom glasniku BiH“ broj: _____, pod punom materijalnom i kaznenom odgovornošću:

IZJAVLJUJEM

Preduzeće koje dostavlja ovu ponudu je domaće sa sjedištem u BiH i najmanje 50% ukupne vrijednosti od ponuđenih roba imaju porijeklo iz Bosne i Hercegovine.

Mjesto i datum davanja izjave

Potpis i pečat ponuđača/kandidata
